

Minister Paul Croes:

Gobierno ta basta cla pa loke ta trata e acuerdonan cu Citgo pa e mercado laboral

ORANJESTAD (AAN): E Citgo desk aki lo bay tin un tarea dobel. Uno: apoya tur esnan local cu lo ta interesa den un trabao den refineria, pero e di dos, e aspecto di e permisonan di compania y contratistanan di afo cu lo mester bin pa haci trabaonan specialisa pa e refineria. Por sinti for di contratistanan local cu PDVSA ta purba di recruta hende pa bin traha na e refineria na Aruba.

Tin companianan cu tabata traha eyden y ta struggle eyfo y tin di nan te hasta a cera. Algun siman pasa a nota di maniobranan caminda cu companianan a cuminsa por medio di informacionnan eroneo, dunando publico, cobrando un suma pa informacion y bisa tambe cu nan tin cierto contractonan firma. Esaki a resulta den un reportahe cu a laga haci door di inspeccion di labor, cu e companianan aki no tabata tin e acuerdo firma manera cu nan a pretende di bisa na esunnan



cu a paganan e placa.

Por papia hasta di misleading. Nan ta misleider personanan. Ta actonan cu naturalmente no ta corecto. Ta actonan fraudulentu camindacu tabisaun persona cu lo bo tin un acuerdo cu cierto companianan, pero esaki en todo caso no a resulta di ta berdad. Banda di esey ta mira tambe cu tin diferente otro companianan pafu di Aruba, cu ya caba ta haciendo e tipo di ehercisionan ey. Gobierno

ta basta cla pa loke ta trata e acuerdonan cu Citgo.

Na e momentonan aki, ta bayendo cu un delegacion un biaha mas pa Houston, pa motibo cu varios di e acuerdonan unda cu ta yegando cu nan, mester ta firme riba papel. Pa Gobierno ta primordial,

mescos cu e caso cu Valero y otro companianan, e trahadonan local lo haya e prome oportunidad pa traha eyden. Na caminda cu por mira espacio pa trabaonan specialisa, pero tambe pa cierto posicionnan cu gerencia lo bisa, lo mester keda pa Citgo personel.

Den e negociacionnan ta na momentonan aki, pero e oportunidad primordial ta keda pa nos hendenan local. E reunionnan lo cuminsa diahuebs y diabierna awo. E reunionnan, lo ta bastante intensivo. E delegacion cu ta bayendo Houston, encabesa pa minister Mike de Meza di Energia, tambe lo tin e director di Utilities, sr. Arends, cu ta esun cu ta encabesa e negociacionnan cu e grupo di delegacion cu Citgo, Paul Croes pa

e aspectonan laboral y tin algun persona mas cu ta formando parti di e delegacion, pa continua cu e proceso di negociacion. Ta importante pa nos comunidad ta na altura, no ta negociacionnan facil, pero den forma strategico.

Na momento cu sinti cu algun di e puntonan no ta wordo cumpli cu nan of no ta yegando na otro, e ora ta eleva e discusionnan na nivelnan mas halto y trata di sali afo na bienestar di henter nos comunidad, e minister a expresa.

**Telefonnan
di DIARIO
582-6747
Fax
582-8551**